




Decanus Collegii Philosophici in Acad. Witeberg. Frid. Taubmanus,
Wonsesensis; Poeta & Professor publicus : Pallas ades: doctae pono
Certamina publi ... P.P. VIII. Calend. Julias, anno Christiano M. DC. VII.
Wittenberg ?

P 2° 00143 (01,105)

https://dhb.thulb.uni-jena.de/receive/ufb_cbu_00007660

urn:nbn:de:urmel-fc562bc8-4670-4971-ab35-8bcb2e3653e35-000070354

Lizenz: <https://creativecommons.org/licenses/by-sa/4.0/>



Decanus Collegii Philosophici
in Acad. VViteberg.

FRID. TAUBMANUS,
VVonfensensis ; POETA &
Professor publicus.

PALLAS ades: doctæ pono Certamina publi.
Quis potest RECTO, qui VERO, quis, DISERTO
Ore loqui: quique ÆTHEREI sacraria mundi
NATURÆq; sinus penetrat: quique aurea VITÆ
Munimenta parat Civili examine MORUM:
Cuncti adsint, meritisq; expectent premia palma.
Scilicet hoc SOPHUS est, hæc sunt lege MAGISTRI;
CHRISTO etiam devoti illi. Male Janus Orestes
Dixerit, aut dictum plano de simplice credat;
Hærescas patriarcha Sophus: popularis & auræ
Mancipium: sartorq; doli subtilis: & horum
De genere in vulgum quas spargit Asellio voces.
Et rudis & vanus, quisq; ista probaverit. Omneis
Nempe sui vellet similes, ut in agmine densò
Falleret, atq; asini doctis non proderet aureis.
Philosophum nemo, nisi musca plana sopbos odit.
In Mosis quoties dialectica turba cathedra
Dogmaticas agitas sacro certamine lites,
ADSIT Aristoteles, sed PRÆSIT Christus. Et audi
Per Mosem mihi verba Dei: Si femina bello
Capta sit, impexos captivæ abscinde capillos:
Rade supercilium: præcido corporis ungues:
Et tua sit conjux. Exemplum imitemur: & illam
A Grajis SOPHIAM Musarum indagine captam,
Et PULCHRAM & DITEM, nobis sociemus: & usû
Israëlitis erit. Si quam de semine labem
Traxit, & obsceno se deformavit abusu;
Ad sacras purgemus aquas, quas murice Christo
Elicuit Moses. Sed in ipso limine semper
Scribatur thalami longis hoc lemma figuris:
VADE foras Sophie, vel moribus utere nostris,
Et certè utetur, si mens non leva magistro
Cui datur hæc nuptum. Tales o este MAGISTRI!
Ac tales fieri mea Leucoris optat: & hinc est,
Musica quod jussit vobis Certamina poni.
En pono, & nostri celsò de pariete Templi
PRÆTOR ego mitto cretata carbasa mappæ:
Censores etiam mox in suffragia mittam.
Vos modo vestra brevi (sic res monet) ite professum
Nomina Taubmanno. Sua cuiq; exorsa laborem
Fortunamq; ferent. Testor sacra nomina Musas;
Qui mihi DOCTRINAM probat & Virtutis HONESTUM,
Huic Jus & Titulos & Rem prestabo MAGISTRI.
Tros Rutulufvè fuat, nullo discrimine habeo.
P. P. VIII, Calend. Julias, anno Christiano cdo. Idc. VII.